

## Акафист святому праведному Алексію, пресвітеру Московскому

### Кондак 1

Избранный угодниче Христов и великий в скорбех помощниче, праведне отче Алексіе! К тебе яко теплomu предста́телю мы грешнии со дерзновением притекаем и умиленно взываем: умоли о нас всесильнаго Бога, не попусти́ти нам блуждати по распу́тием греховным, но просвети́ти сердца́ наша светом твоея́ любви, да зовем ти: Радуйся, праведне старче Алексіе, утешителю́ благодостный.

### Икос 1

А́нгелов Творецъ яви в рождении твоём моли́твенное заступленье святителя́ Филарета, егда́, не могу́щи матери́ разродитися тобою, роди́тель твой притече́ к нему́, и того́ моли́твою вшел еси́ в мир сей во время́ совершени́я Божественны́я Евхарі́стии, показу́я тем, яко́ будеши вели́кий служи́тель таи́нств церко́вных. Сего́ ради́ взываем ти:

Радуйся, святителем Филаретом благословенный и воспитанный;  
радуйся, от пелен того́ подвижническому жити́ю научивыйся.

Радуйся, отрасль роди́телей пречестных, плод благи́й прине́сшая;  
радуйся, яко́ издетска гла́сом своимъ Бога́ прославля́л еси́.

Радуйся, благоговение и любовь ко службамъ Божиимъ от отца́ унаследивый;

радуйся, от матери́ твоея́ странноприимство и попечение о ближнихъ восприемый.

Радуйся, ушеса́ своя к пению́ церко́вному от рождени́я приклонивый;  
радуйся, во еже не видети́ суеты́, очеса́ своя́ в горны́я вперивый.

Радуйся, праведне старче Алексіе, утешителю́ благодостный.

### Кондак 2

Видя́ Человеколюбецъ Госпо́дь широту́ сердца́ твоего́, гото́ваго послужити́ ближнимъ своимъ, яви́ в благословении́ матери́ твоея́ волю́ Свою́, да будеши не врачъ телес, но па́стырь Церкве́ Христо́вы, врачу́яй ду́ши притека́ющих к тебе́; темже́ вси лю́дие, видя́щии до́брое па́стырство твое́, взыва́ют Бо́гу: Аллилу́иа.

### Икос 2

Разумомъ Божественнымъ просвещен, узрел еси́ путь спасения́ во отсечении́ воли́ своея́, егда́ поставленъ был еси́ причетникомъ во храмъ Богоматери́, с велиимъ терпениемъ восприя́л еси́ суровство́ нача́льствующаго, и тако́ возрасти́л еси́ в сердце́ твоёмъ пло́д Христо́ва смирения́. Многолѣтнее твое́ терпение́ сла́вяще, возглаша́ем ти́ тако́:

Радуйся, послушниче усердный;

радуйся, яко́ Бо́гу раб́отал еси́ неленостно.

Радуйся, укорения́ и поругания́ яко́ Божіе изволение́ восприемый;

радуйся, осуждати́ и укоря́ти други́х всегда́ избегая́й.

Радуйся, облича́ющих насъ яко́ благодетели́ почита́ти поучая́й;

радуйся, ради́ блага́ ближнихъ своихъ себе́ утесня́ти призывая́й.

Ра́дуйся, благі́м супру́жеством сво́им и нам о́браз честна́го бра́ка явѣ́вый;

ра́дуйся, в супру́жнице тво́ей до́браго помо́шника на пу́ти Христо́вом обрѣ́тый.

Ра́дуйся, пра́ведне ста́рче Алексі́е, утѣ́шителю бла́гостный.

### Конда́к 3

Си́ла Вы́шняго обрѣ́те в тебѣ́ сосу́д че́стен и по посвяще́нии во иере́я продо́лжа́ше вѣ́сти тя чрез горни́ло испытáний. Служѣ́л бо еси́ не в вѣ́си да́льней, я́коже хотя́ше, но во гра́де Москвѣ́, в це́ркви ма́лаго прихода́, иде́же осмь́ лет богомо́льцев не имѣ́в, нико́лиже возропта́л еси́. Ны́не же предсто́иши со дерзнове́нием Престо́лу Бо́жью, поя́ песнь: Аллилу́иа.

### И́кос 3

Име́я тща́ние к соверше́нию служб́ церко́вных, на кѣ́ждо день служѣ́ние Божѣ́ственныя Литурги́и учинѣ́л еси́ и к покрóву Богома́тере и заступни́честву святѣ́теля Никола́я прибега́я, весь пу́ть жити́я тво́его моли́твою озари́л еси́. Сего́ ра́ди воспева́ем тя си́це:

Ра́дуйся, служѣ́телю алтаря́ ре́вностный;

ра́дуйся, я́ко бо́дрствовал еси́ в моли́твенном по́двиге непреста́нно.

Ра́дуйся, в Бо́зе все упова́ние твоѣ́ полага́вый;

ра́дуйся, в до́лгих испытáниях непоколебѣ́им пребы́вый.

Ра́дуйся, я́ко крест на пѣ́рси приѣ́м, плоть свою́ со страстьми́ и похотьми́ Христа́ ради распина́л еси́;

ра́дуйся, я́ко по возложе́нии епитрахѣ́ли на вѣ́ю твою́, да́ры Ду́ха Свята́го неоску́дно преподава́л еси́.

Ра́дуйся, я́ко по́ясом препоя́сав чре́сла своѣ́, за́втра на нѣ́вы де́лания Госпо́дня изше́л еси́;

ра́дуйся, я́ко взѣ́мся за ра́ло Христо́во, не направля́л еси́ вспя́ть стопы́ твоѣ́.

Ра́дуйся, пра́ведне ста́рче Алексі́е, утѣ́шителю бла́гостный.

### Конда́к 4

Бу́рю мо́ря житѣ́йскаго, сластолю́бием, зло́бою и горды́нею волну́емаго, всем жити́ем тво́им научáл еси́ преплы́вати в кора́блеце́ пока́нния, да и мы, явля́юще живу́ю ве́ру и трѣ́петную лю́бовь ко Го́споду, сподо́бимся воспева́ти Ему́ и на небесе́х песнь хвале́бную: Аллилу́иа.

### И́кос 4

Слы́ша о богоуго́дном жити́и тво́ем, нача́ша прибега́ти к тебѣ́ и́щущии спасѣ́ния, обрѣ́тающе в тебѣ́ чадолю́биваго отца́ и утѣ́шителя, ты же нелѣ́ностно поучáл еси́ я́ пока́ннию и служѣ́нию бли́жним самоотрече́нному. Темже и нас, я́коже и ча́д твоѣ́х, научѣ́ истинно́му де́ланию на па́житех душ́ на́ших, да сла́вим тя благодаря́ще:

Ра́дуйся, в век оску́дения́ благоче́стия несокру́шимым сосу́дом ве́ры явѣ́выйся;

ра́дуйся, нелѣ́ностным проповѣ́данием се́мена благѣ́х дея́ний се́явый.

Ра́дуйся, я́ко всем скорбя́щим и отча́явшимся глашата́й любве́ Бо́жия был еси́;

ра́дуйся, яко любóвию своёю ожесточённых злóбою к покая́нию  
обра́щал еси́.

Ра́дуйся, науча́й во всех челове́цах о́браз Бо́жий почита́ти;

ра́дуйся, призыва́й почи́вших неуста́нно поминáти.

Ра́дуйся, не отрeváя немощны́х, по си́ле их де́лание им полага́вый;

ра́дуйся, в постоя́нстве ма́лаго де́лания залóг духо́внаго возраста́ния  
указа́вый.

Ра́дуйся, пра́ведне ста́рче Алексіе, утёшителю блага́стный.

#### Конда́к 5

Звезда́ еси́, на небесе́х свята́сти возсия́вшая, свети́ши свѣтло, в со́нме  
пра́ведных и испове́дников Цerkвѣ Ру́сская зѣмлю на́шу просвеща́я, темже,  
зря́ще тя, пра́ведне о́тче Алексіе, прославля́ем просла́вльшаго тя Го́спода,  
зову́ще Ему́: Аллилу́иа.

#### И́кос 5

Ви́дя, ми́лостиве о́тче, о́крест тебе́ в нищете́ живу́щия, подава́л еси́ им,  
ели́ко имя́ше, упова́я, яко не оста́вит Госпо́дь и дом твой. Даждь и нам  
стяжа́ти се́рдце милосе́рдное и научи́ ны невозбра́нно внима́ти во́ли Бо́жией,  
да восхваля́юще глаго́лем ти сицева́я:

Ра́дуйся, яко к сокро́вищам земны́м не прилепля́лся еси́;

ра́дуйся, яко небѣсное бога́тство стяжа́л еси́.

Ра́дуйся, милосе́рдием ду́ши на́ша обогаща́ти науча́й;

ра́дуйся, некра́домое бога́тство ве́рным испроша́й.

Ра́дуйся, свѣтом Трисо́лнечным се́рдца челове́ческая просвеща́й;

ра́дуйся, вѣну о пользе́ душе́вной пеки́йся.

Ра́дуйся, рачи́телю целому́дрія;

ра́дуйся, храни́телю чистоты́.

Ра́дуйся, пра́ведне ста́рче Алексіе, утёшителю блага́стный.

#### Конда́к 6

Пропове́дал еси́ па́стве своёй покая́ние и вкуше́ние безсме́ртныя  
Трапе́зы А́гнчія, да не взáлчут бо́лее страсте́й, но воспри́мут мир и любóвь  
Христо́вы и поуча́тся люби́ти бли́жних своі́х с самоотверже́нием и  
утесне́нием себе́, да блага́ им бу́дет, и да взыва́ют радостне: Аллилу́иа.

#### И́кос 6

Возсия́л еси́ в первопресто́льном гра́де Москве́ глаша́тай жи́зни  
неветша́ющія, дрѣвним о́тцем, в пусты́нях подвиза́вшимся, подо́бный; лю́дем  
бо, в суетѣ́ пребыва́ющим и разли́чными злоуче́нии прельща́емым, возвеща́л  
еси́ любóвь, милосе́рдие и пра́вду Бо́жию. Таковóму о тебе́ Бо́жию  
смотре́нию дивя́щеся, вопи́ем ти:

Ра́дуйся, неуста́нный проповѣ́днице любве́ к Бо́гу и бли́жним;

ра́дуйся, яко апо́стольски наставля́л еси́ друг дру́га тяготы́ носі́ти.

Ра́дуйся, во гра́де яко в пусты́ни живы́й;

ра́дуйся, пусты́ню гра́да бога́тством слез твоі́х ороша́й.

Ра́дуйся, яко пожи́л еси́ в міре премі́рно;

ра́дуйся, яко вѣну предсто́ял еси́ Христу́.

Ра́дуйся, ожесточе́нная се́рдца тепло́ю твоея́ любве́ возде́лавый;

ра́дуйся, и ны́не душе́вный поко́й стра́ждущим обрета́ти помога́й.  
Ра́дуйся, пра́ведне ста́рче Алексе́е, утёшителю бла́гостный.

#### Конда́к 7

Хо́тя Человеколю́бец Госпо́дь поста́вити тя в тру́дную го́дину утёшителя скорбя́щих и стра́ждущих, посла́ тебе́ скорбь вели́кую в тяж́цей бо́лезни и сме́рти супру́жницы твоея́, да ничто́ уже́ земно́е не связа́ет се́рдца твоего́, но да приложи́ши к ре́вности ре́вность и при́меши благода́ть возблагода́ть, науча́я пе́ти всех: Аллилу́иа.

#### И́кос 7

Но́вый путь ста́рчества духоно́снаго во гра́де Москве́ яви́ тебе́ Госпо́дь в словесе́х пра́веднаго Ио́анна, пресви́тера Кроншта́дтскаго, указу́я, да воспри́меши всю скорбь челове́ческую́ я́ко свою́, моли́твою и тепло́тою любве́ сию́ врачу́я. Темже и на́ша ско́рби оты́ми от нас, да ра́дующеся вызы́ваем ти:

Ра́дуйся, пра́ведником кроншта́дтским на служе́ние стра́ждущим благослове́нный;

ра́дуйся, я́ко врач иску́сный душ челове́ческих яви́выйся.

Ра́дуйся, на стра́же ско́рбных серде́ц челове́ческих ста́вый;

ра́дуйся, па́стырем до́брым обраца́вшихся к тебе́ яви́выйся.

Ра́дуйся, заблуждших ове́ц к Па́стыренача́льнику приве́дый;

ра́дуйся, от волко́в хи́щных тех неврежде́нны сохра́нйый.

Ра́дуйся, широто́ю любве́ твоея́ всех обыма́яй;

ра́дуйся, наде́яние в Бо́зе полага́ти науча́яй.

Ра́дуйся, пра́ведне ста́рче Алексе́е, утёшителю бла́гостный.

#### Конда́к 8

Стра́нныя приима́ти тща́ся, при хра́ме своём прию́т сирота́м учредил еси́, назида́я их сло́вом и житие́м своим, да возраста́юще в благо́м попече́нии и любве́, благода́рственно воспева́ют Бо́гу: Аллилу́иа.

#### И́кос 8

Весь Бо́гу предсто́ял еси́, пра́ведне о́тче Алексе́е, и, посреде́ люде́й пребыва́я, Тому́ рабо́тал еси́, николи́же суето́ю связа́нный. И нас, в суету́ погруже́нных, научи́ твоему́ в ми́ре преми́рному жити́ю, да усер́дно тебе́ воспо́йм:

Ра́дуйся, де́тскую мла́дость души́ твоея́ сохра́нйый;

ра́дуйся, то́ю мла́дая се́рдца́ к Бо́гу приводи́вый.

Ра́дуйся, сиротству́щим а́ки чадолю́бивая ма́терь яви́выйся;

ра́дуйся, овца́м словес́ным па́стырю преизря́днейший.

Ра́дуйся, ду́ши чад сво́их духо́вных для ве́чнаго живота́ порождáяй;

ра́дуйся, от скверн ми́ра сегó огражда́тися ча́да своя́ науча́яй.

Ра́дуйся, чту́щим тя ве́рный пред Бо́гом ходата́ю;

ра́дуйся, призы́вающим тя непрело́жное упова́ние.

Ра́дуйся, пра́ведне ста́рче Алексе́е, утёшителю бла́гостный.

#### Конда́к 9

Всем, притекающим к тебе в скорби, наставник изрядный явился еси, отче Алексие, подвизая люди к покаянию и самоукорению, терпению же в скорбех неистощимому, да за вся сия благодаряще, Богу поют: Аллилуиа.

### Икос 9

Витийствующий язык умолче, зря, како ты, старче Алексие, служение свое в простоте совершая и мудрость века сего посрамляя, всяку гордыню человеческую яко прах от лица ветра возметал еси. Сего ради похваляем тя сице:

Радуйся, яко не хитросплетением словес, но силою правды Божия души врачевал еси;

радуйся, яко вознесенную гордыню века сего смирением сокрушал еси.

Радуйся, словесы своими не крепость человеческую, но силу Божию явивый;

радуйся, яко нестаряющую мудрость евангельскую живу и действенну показавый.

Радуйся, исполненный ревности по Бозе Вседержителю;

радуйся, уставов церковных ревностный хранителю.

Радуйся, искусный пробуждателю совести человеческия;

радуйся, яко всем бысть вся, да спасеши души, Богом тебе врученныя.

Радуйся, праведне старче Алексие, утешителю благодостный.

### Кондак 10

Спасения несть во преселении в хлебородныя земли, егда глад, мор и междоусобныя брани постигают страну нашу, тако глагола еси, отче, и трудности учил еси приимати яко вразумление Божие, за умножение беззакония попущенное, и непрестанно в покаянии взывать: Аллилуиа.

### Икос 10

Стена непоколебимая упования на Господа явился еси, отче Алексие, яко скала крепкая, пресекая треволение житейское, малодушие и уныние в душах людей, к тебе прибегающих и с любовью зовущих ти:

Радуйся, адаманте веры несокрушимый;

радуйся, злато в горниле скорбей очищенное.

Радуйся, разделивый с народом русским скорби, Богом низпосланныя;

радуйся, глад и хлад приемый яко наказание Божие.

Радуйся, купно с прихожаны храма чудо плача иконы Богоматерни узревый;

радуйся, надежду на милосердие Божие страждущия души врачевавый.

Радуйся, страждущим в бедах скорое поможение;

радуйся, призывающим тя в скорбных обстояниях щит и ограждение.

Радуйся, праведне старче Алексие, утешителю благодостный.

### Кондак 11

Пение всеумиленное приносим ти, отче досточудне, прославляюще блаженную кончину и погребение твое, молитвами святителя и исповедника Тихона, Патриарха Всероссийскаго, сопровождаемое. Веруем, яко предстоят

вкúпе во свѣте невечѣрном Престóлу Пресвятѣя Трѳицы, вѣну поюще:  
Аллилúиа.

### Їкос 11

Светозáрен светѣльник явился еси́, мѣлости Бóжия испóлнен, и великий купѣц, умноживый таланты, яже даде тебе́ всех Бог, в жити́и бо твоём явил еси́ дáры прозрѣния и исцелѣния, подвизáя нас глаголати тебе́ похвалы́ сия́:

Ра́дуйся, я́ко от лет дѣтскихъ Гóсподу вѣрен был еси́;

ра́дуйся, мно́гих дарований от Него́ сподóбивыйся.

Ра́дуйся, лучá благодáти, в мѣре явлѣнная;

ра́дуйся, рѣзами свѣта Христо́ва одѣянный.

Ра́дуйся, с преподóбным Серафѣмом помогѣй обрести́ сы́на ма́тери отча́явшейся;

ра́дуйся, я́ко и ны́не в тóдных обстоя́ниях о нас к Бóгу ходáтайствуеши.

Ра́дуйся, прозорлѣвостію и чудотворѣньми лю́ди в вѣре стоя́ти утвердѣвый;

ра́дуйся, ду́ши, вѣры не имѣвша, отѣческимъ попечѣнием и моли́твою к Бóгу обратѣвый.

Ра́дуйся, прáведне стáрче Алексѣе, утѣшителю́ блáгостный.

### Конда́к 12

Благодáти испóлнен, я́ко сосúд Дúха Свята́го избранный, породѣл еси́ дúхом мно́гая ча́да тво́я, да зря́ще жити́е их, óкрест живúщия уразумѣют, я́ко любóвь в Бóзе к блѣжнему залóг мѣра есть, и тáко благодáрственно воззовúт Бóгу: Аллилúиа.

### Їкос 12

Пою́ще жити́е твоѣе и прославлѣние, вѣруем, я́ко многомóщно есть пред Престóлом Владѣчнимъ твоѣе за ны́ ходáтайство, сокрови́ще же многоцѣнное мóщи тво́я имúще, к нимъ припада́ем я́ко к сосúду благодáти неисто́щиму и соглáсно ублажа́ем тя́:

Ра́дуйся, граждани́не Иерусали́ма небѣснаго;

ра́дуйся, блáгий наставни́че, возрастѣвый ча́да сво́я во отцѣв преслáвных.

Ра́дуйся, я́ко был еси́ на землѣи́ храмъ живýй, Гóсподевѣ посвящѣнный;

ра́дуйся, я́ко предсто́иши днесъ Престóлу Вседержѣтеля.

Ра́дуйся, стáрцев Óптинскихъ собесѣдни́че;

ра́дуйся, кронштáдтскаго светѣльника сомоли́твенни́че.

Ра́дуйся, я́ко общѣна тво́я óбраз бысть купно́жѣтельства христѣанскаго;

ра́дуйся, я́ко ча́да тво́я свидѣтельствомъ кровѣй своѣхъ Христа́ исповѣдаша.

Ра́дуйся, прáведне стáрче Алексѣе, утѣшителю́ блáгостный.

### Конда́к 13

О предѣвный па́стырю и тѣплый о нас к Бóгу моли́твенни́че, прáведне óтче Алексѣе! Не отрѣни нас немощныхъ, соверша́ющихъ похва́льное пѣние

си́е, и научи́ волю́ Бóжию нелéнно творíти, да сподóбимся и в б́удущем вéце благодарственнó воспевáти Творцу́ и Бóгу нáшему: Аллилу́иа.

### Молитва 1

**К** тебе́, о прáведне óтче Алексíе, мы, грéшнии и недостóйнии, притека́ем и со умилéнием взывáем ти: прízри ны́не мíлостивно с высоты́ святы́я своея́ на Отéчество нáше и нас, тя прославля́ющих. Приéмый в жити́и своéм тя́готы людéй и сéрдцем мíлюющим понесы́и скóрби их, приими́ в моли́твенное твоé предстáтельство и нас, грехми́ мно́гими обременéнных и суето́ю мíра сегó утружденных. В тебе́, о дíвный стáрче, прослáвился Господь, явív ты тайнника мíлости Бóжия. Тя призывáем неотстúпно: б́уди врач душáм и телесéм нáшим, унывáющим утéшитель, малодúшным дерзновéние низпосли́, помрачéнных злобо́ю всепрощéнию научи́, воздержáнию способствуй. Воспламени́, благíй дéлателью виногрáда Христóва, хлáдная сердцá нáша рéвностию служéния твоегó, научи́ моли́тве непрестáнней и дéятельней любв́и с утеснéнием себе́ блáга рáди блíжних нáших. Укрепи́ моли́твами твоими́ чáда Цéркве нáшей, да поживéм в любв́и и мíре, а вне ограды́ церкóвныя пребывáющия да уразуме́ют Христóву íстину и вкúпе с нáми прослáвят Животворя́щую и Нераздéльную Трóицу и твоé мíлостивное предстáтельство во вéки векóв. Амíнь.

### Молитва 2

**О** всечестнýй и преблаженнýй óтче наш Алексíе, дíвный стáрче Москóвский и всея́ Цéркви Рýсския похвалó и рáдование! Вéлию любóвь ко Гóсподу имéя, заветы́ евангелския́ непрелóжно исполня́я, дúшу твою́ за пáству полага́л еси́, мíлюющим сéрдцем болéзную о всех, просящих твоея́ пóмощи. Приими́ мáлое си́е молéние нáше, и я́ко в земнéм жити́и твоéм отира́л еси́ всякú слезу́, облегчáл еси́ всякú скорбь, тáко и ны́не, милосéрдый моли́твенниче и ходáтаю наш, возьми́ тя́готы́, болéзни и скóрби нáша, испóлни страждущая сердцá рáдостию, умоли́ Человеколю́бца Бóга о прощéнии безчíсленных прегрешéний нáших, да очíстивше дúши покая́нием, к дéланию дóброму пристúпим. Ей, стáрче благíй, б́уди и нам пáстырь дóбрый, наставля́я на стезю́ спасéния, да моли́твами твоими́ безпорóчно прóйдем путь жити́я нáшего и обря́щем Отéчество Небéсное, идéже ты со Ангелы́ и все́ми святы́ми предсто́иши Престóлу Святы́я Трóицы, прославля́я Безначáльнаго Отцá со Единорóдным Егó Сы́ном и Пресвяты́м, и Благíм, и Животворя́щим Егó Дúхом во вéки векóв. Амíнь.